

# Cynllun Gwella 2009 / 2010 - Cam 1 - Adrodd

**Ein gweledigaeth: Gwneud ein cymunedau'r llefydd mwyaf diogel i fyw, gweithio ac ymweld â hwy.**

**Yn dilyn diwedd y flwyddyn yr ydym yn adrodd arni, 2008/09, rydym yn adolygu ac yn adlewyrchu ar rai o lwyddiannau Gwasanaeth Tân ac Achub De Cymru.**

Ddechrau'r flwyddyn, fe wnaethom osod ein hamcanion corfforaethol blynyddol sy'n adlewyrchu blaenoriaethau'r sefydliad ac sy'n cefnogi gweledigaeth a chenhadaeth Gwasanaeth Tân ac Achub De Cymru.

## A ydym ni wedi cyflawni ein blaenoriaethau ar gyfer 2008/09?

Llynedd roedd gennym 17 amcan corfforaethol, yn cefnogi'r chwe thema strategol. Mae adolygiadau o'n cynlluniau busnes yn cadarnhau ein bod wedi cyflawni'r rhan fwyaf o'r amcanion a wnaethom osod. Bydd manylion llawn yn ein Cynllun Gwella, a fydd yn cael ei gyhoeddi erbyn diwedd mis Hydref.

## Mae rhai o'n llwyddiannau'n cynnwys:-

- Ad-drefnu swyddogaethau cymorth a rheoli'r gwasanaeth o leoliadau gwahanol yn ardal y gwasanaeth i Bencadlys canolog.
- Cynnal Her Ryddhau'r Byd 2008 (Achub Byd Cymru) a digwyddiad Diogelwch Cymunedol Gorau Glas yng Nghaerdydd ar yr un pryd. Roedd Achub Byd Cymru yn gystadlueaeth fyd-eang â heriau achub unigol a ddenodd ymladdwyr tân o bob cwr o'r byd. Denodd Digwyddiad Diogelwch Cymunedol Gorau Glas dros 6,000 o bobl i Gastell Caerdydd gan ddod â Gwasanaeth Tân ac Achub De Cymru ynghyd â'i asiantaethau partner i rannu arferion gorau a hyrwyddo negeseuon diogelwch cymunedol i'r cyhoedd.
- Cwblhau cytundeb yr Awdurdod Tân i sicrhau bod pob deiliad swydd perthnasol wedi derbyn gwiriad gan y Swyddfa Cofnodion Troseddol.
- Mae rhoi ein gorsafoedd 'Yng Nghalon y Gymuned' wedi bod o fudd. Mae ymgysylltu cymunedol wedi mynd o nerth i nerth. Mae'r rhyngweithio cynyddol hyn, a lefel uchel o waith atal rhagweithiol wedi achosi lleihad yn y nifer o danau yr ydym wedi cael ein galw atynt. Mae hyn yn arddangos lleihad sylweddol o ran risg yn ein cymunedau.
- Mae'r grŵp prosiect Tanau Gwyllt wedi datblygu ffrydiau gwaith addysgu a gorfodi. Mae hyfforddiant gweithredol Tanau Gwyllt wedi dechrau a bydd yn cyd-fynd â chaffael cerbydau ag offer yn 2009/10.
- Mae Uned Achub Technegol wedi'i sefydlu ym Malpas gan ddarparu cyfleuster achub llawer gwell, uniongyrchol, yn barhaus.
- Datblygu'r porth ystadegau ar gyfer y cyhoedd ar y rhyngwryd i alluogi ein cymunedau i weld sut yr ydym yn perfformio mewn amser real.
- Gwnaed cynnydd sylweddol o ran gwella ymwybyddiaeth ag atebolrwydd i Gynllun Iaith Gymraeg y Gwasanaeth.
- Parhaodd y nifer o bobl sy'n berchen larymau mwg i gynyddu yn ystod 08/09.
- Mae'r nifer o danau mewn eiddo annomestig yn parhau i leihau. Mae tanau bwriadol mewn ysgolion a thanau bwriadol mewn eiddo eraill ar lefel isel. Mae hyn yn arddangos yr ymrwymiad parhaus llwyddiannus tuag at leihau perygl o fewn Diogelwch Tân.
- Rydym wedi darparu rhaglenni cynhwysiad a gwyrto helaeth i bobl ifanc, gan achosi newidiadau i ymddygiad gwrthgymdeithasol tân ymhlith pobl ifanc a lleihau risg i'n cymunedau.

## Amcanion 2009/2010

**Lleihau marwolaethau ac anafiadau oherwydd tanau a Gwrthdrawiadau Traffig ar y Ffyrdd**

- Hyrwyddo gosod taenellwyr dŵr ym mhob adeilad newydd sy'n cael ei adeiladu.
- Targedu'r bobl sy'n wynebu'r risg mwyaf o ran tân mewn eiddo domestig.
- Cefnogi'r prosiect tanau gwyllt gydag adnoddau ar gyfer pileri addysgu a gorfodi. Penodi staff i ddelio gyda llosgi bwriadol glaswellt o fewn swyddogaeth troseddau tân ac addysgu Diogelwch Cymunedol a Phartneriaethau. Gwerthuso effeithiolrwydd gweithgareddau Troseddau Tân a Gwasanaethau Plant yn erbyn cynllun gweithredu Tanau Gwyllt.
- Sicrhau bod gan y Gwasanaeth y proffiliau risg diweddaraf ar gyfer ein cymunedau er mwyn gallu targedu gweithgareddau.
- Canfod a datblygu opsiynau ar gyfer gwella gwasanaeth tân ac ymgysylltu cymunedol mewn ardaloedd trefol drwy'r Cytundeb System Dyletswydd Rhan Amser yn unol â'r Cynllun Lleihau Risg.

## Creu sefydliad sy'n ymarfer ein gwerthoedd

- Datblygu Gallu Arweinyddiaeth - ymysg uwch reolwyr ac aelodau etholedig (gan gynnwys denu arweinwyr effeithiol i mewn i Wasanaethau Tân ac Achub o sectorau eraill.)
- Datblygu'r Sefydliad - cyflawni rhagoriaeth mewn pobl a rheoli perfformiad, partneriaethau a darpariaeth effeithiol o wasanaethau.
- Bydd y 3 Gwasanaeth Tân ac Achub yng Nghymru yn cydweithio i ganfod a datblygu opsiynau cytundebol i wella argaeledd System Dyletswydd Rhan Amser ar draws y wlad.
- Creu diwylliant lle mae personél yn gwerthfawrogi a deall eu rôl o ran sicrhau bod darpariaeth gwasanaeth i'r cyhoedd o'r safon uchaf, wrth barchu a deall gwerthoedd y Gwasanaeth.

**Rhoi'r Cynllun Rheoli Asedau ar waith**

- Bydd y gwasanaeth yn sicrhau'r defnydd gorau o asedau corfforol y Sefydliad drwy fabwysiadu a rhoi cynllun rheoli asedau hirdymor ar waith. Mae Grŵp Llywio Rheoli Asedau yn rheoli'r Cynllun hwn.

## Ailstrwythuro ein prosesau busnes

- Datblygu sgiliau a gallu'r gweithlu - ar draws pob ardal o fewn y Gwasanaeth Tân ac Achub, gan gynnwys technegol, arbenigol a gwasanaethau cymorth, rheolaeth a'r gweithlu ar y rheng flaen.
- Ail-leoli'r Adran Gwasanaethau Fflyd a Pheirianeg i safle'r Pencadlys newydd, gyda'r aflonyddwch lleiaf i'r Sefydliad. Datblygu'r safle newydd drwy; defnydd gorau o offer modern a rhoi sylw priodol i ymarferion gwaith modern, lechyd a Diogelwch, cynllunio cerbydau modern, effeithiolrwydd cost a sicrhau adleoliad di-dor o weithgareddau'r adran.
- Yn dilyn adleoli'r pencadlys newydd, adolygu'r prosesau busnes i ganfod gwelliannau ac effeithlonrwydd. Annog ymglymiad staff o ran canfod gwelliannau parhaus.

## Lleihau effaith amgylcheddol gweithgareddau gweithredol

- Datblygu gallu cynyddol i liniaru effeithiau digwyddiadau ar yr amgylchedd. Cynnal cynrychiolaeth ar grwpiau Strategol Cenedlaethol. Datblygu cyswllt lleol ar bob lefel gorchymyn (strategol/tactegol/gweithredol).
- Canfod cyfleoedd i leihau effaith amgylcheddol gweithrediadau'r gwasanaeth tân, bydd cynaladwyedd yn cael ei gynnwys yn y broses adroddiad.
- Lleihau effaith amgylcheddol gweithrediadau Gorsafoedd a gwella cynaladwyedd drwy ddefnyddio Pencampwyr Gwyrdd.

Am ragor o wybodaeth cysylltwch â'r **Uned Rheoli Perfformiad** ar **01443 232000** neu e-bostio [performance@southwales-fire.gov.uk](mailto:performance@southwales-fire.gov.uk) neu drwy'r post at **Pencadlys Gwasanaeth Tân ac Achub De Cymru, Parc Busnes Forest View, Llantrisant, CF72 8LX.**

South Wales  
Fire and Rescue Service



Gwasanaeth Tân ac Achub  
De Cymru

**CODI YMWHYBYDDIAETH - LLEIHAI PERYGL**